

Headline	Angkasa yakin capai sasaran RM50 bilion		
MediaTitle	Utusan Malaysia		
Date	16 Jan 2017	Language	Malay
Circulation	171,663	Readership	563,000
Section	Ekonomi	Page No	17
ArticleSize	370 cm ²	Journalist	N/A
PR Value	RM 21,938		



Angkasa yakin capai sasaran RM50 bilion

KUALA TERENGGANU 15 Jan. - Angkatan Koperasi Kebangsaan Malaysia Berhad (Angkasa) percaya mampu mencapai sasaran perolehan RM50 bilion menjelang 2020 berdasarkan pembabitan koperasi dalam pebagai sektor perniagaan berimpak tinggi.

Presidennya, Datuk Abdul Fattah Abdullah berkata, keyakinan itu juga berdasarkan perolehan aktiviti yang disumbangkan lebih 13,000 koperasi berdaftar di seluruh negara yang telah mencecah RM35.6 bilion tahun lalu.

Katanya, sektor-sektor perniagaan berimpak tinggi itu meliputi kewangan, pelancongan, kesihatan, perladangan, pertanian, hartanah, telekomunikasi, bekalan tenaga solar selain sektor pemborongan dan peruncitan.

“Kita yakin sasaran RM50 bilion dapat dicapai kerana kita mempunyai strategi dan koperasi



Kita yakin sasaran RM50 bilion dapat dicapai kerana kita mempunyai strategi dan koperasi perlu terlibat dalam lapan sektor perniagaan berimpak tinggi.”

ABDUL FATTAH ABDULLAH
Presiden Angkatan Koperasi
Kebangsaan Malaysia Berhad

perlu terlibat dalam lapan sektor perniagaan berimpak tinggi,” katanya dalam sidang media selepas merasmikan majlis Diskusi Hala Tuju Koperasi Dalam Sektor Pertanian Bersama Pemimpin

Angkasa di sini baru-baru ini.

Majlis itu dihadiri Naib Presiden Angkasa, Datuk Aliasak Ambia; Ketua Pegawai Eksekutif Koperasi Pembiayaan Syariah Angkasa Berhad (Kopsya), Datuk Syed Mohd. Ghazali Wafa Syed Adwam Wafa dan Pengerusi Angkasa Terengganu, Mohamed Jais Hassan.

Mengulas mengenai projek membekalkan tenaga solar, Abdul Fattah berkata, projek itu yang mula dilaksanakan Disember lalu di atas keluasan tanah 1.6 hektar di Sungai Tiang, Kedah dijangka mula beroperasi April ini.

Menurutnya, projek perintis itu membolehkan tenaga solar dibekalkan kepada Tenaga Nasional Berhad (TNB) bagi kegunaan seluruh negara yang berkapasiti 1 kilowatt (kW) membatitkan kontrak selama 21 tahun.

Headline	Angkasa yakin capai sasaran RM50 bilion		
MediaTitle	Utusan Malaysia		
Date	16 Jan 2017	Language	Malay
Circulation	171,663	Readership	563,000
Section	Ekonomi	Page No	17
ArticleSize	370 cm ²	Journalist	N/A
PR Value	RM 21,938		



ABDUL FATTAH ABDULLAH beramah mesra dengan sebahagian ahli-ahli koperasi Felcra yang hadir sewaktu merasmikan majlis hala tuju koperasi dalam sektor pertanian dan perladangan bersama pemimpin Angkasa di Kuala Terengganu, baru-baru ini. - UTUSAN/DJOHAN SHAHRIN SHAH